

1243-1243- OFP - Acta Capitulum Generalium Parisius Celebrati

In nomine patris et filii et spiritus sancti. Amen.

Acta capituli generalis Parisius celebrati
anno Domini · M^o · CC^o · XLIII^o ·

Confirmamus hanc constitutionem. Cessio magistri non admittatur a diffinitoribus, nisi propter aliquid predictorum, aut propter defectum aut impotenciam, que ipsum ab exequutione officii magistratus perpetuo impediret. Et hec habet · iii · capitula. Et ponatur in constitutionibus post illud verbum, liberam habeant potestatem.

Item. Confirmamus hanc. Ubi dicitur, Mortuo priore provinciali, vel amoto, donec prior eiusdem provincie sit electus et confirmatus, addatur et ipse vel ille cui vices suas commiserit, presens in provincia existat. Et hec habet · iii · capitula.

Item hanc. Ubi dicitur, de suppriori, et in allis quantum ei prior assignaverit vel permiserit, addatur. Idem autem supprior, priore mortuo vel amoto vices eius in omnibus plenarie optineat, quousque prior fuerit electus et confirmatus, et in domo presens extiterit, vel prior provincialis aliter ordinaverit. Et hec habet · iii · capitula.

Item hanc. Ubi dicitur, quod capitulum generale uno anno Parisius, alio anno Bononie celebretur, addatur, nisi magistro et diffinitoribus, ex causa legitima quandoque aliud videatur. Et hec habet · iii · capitula.

Approbamus hanc. Ubi dicitur, de silencio mense, et ipse taceat, addatur, nulli autem aliorum liceat loqui oratione perfecta, nisi pro necessariis mense. Et hec habet · ii · capitula.

Item. Approbamus hanc, ubi dicitur quod si diffinitor generalis capituli non possit venire ad capitulum generale, socius eius, loco ipsius diffinitor habeatur, addatur, quod si alterum ipsorum, supradicto modo, impediri contigerit; primus conventus ad quem declinaverit, teneatur de competenti socio itineris providere, et litteras testimoniales sue electionis secum ferant ad diffinitionem. Et hec habet · ii · capitula.

Item hanc. Ubi dicitur, quod · iiiior · fratres eligantur ad visitandam provinciam, addatur, vel plures secundum quod capitulo provinciali videbitur expedire, qui omnes sequentis anni capitulo teneantur interesse. Et hec habet · ii · capitula.

Item hanc. Ubi dicitur, litteras testimoniales secum ferant et in conventibus ad quos declinaverint, de excessibus corrigantur, addatur. In quacumque autem provincia fratres itinerantes deliquerint, prior provincialis, vel conventualis, in cuius terminis inventi fuerint, ipsos sicut fratres suos, corrigendi, liberam habeant potestatem. Et hec habet · ii · capitula.

Item hanc. Ubi dicitur quod prior provincialis ubi debet provinciale capitulum celebrari, etc. addatur, nisi magister vel generale capitulum alteri commiserit. Et hec habet · ii · capitula.

Item hanc. Ubi dicitur, Audito primo signo, surgant fratres dicendo, etc. deleatur, dicendo, et dicatur, stando dicant de beata virgine matutinas. Et hec habet · ii · capitula.

Omnes alias inchoatas revocamus.

Inchoamus hanc. Ubi dicitur, que ipsum ab officio magistratus perpetuo impediret addatur, perpetuum autem decernimus; quod diffinitores de consilio prudencium perpetuum iudicabunt.

Item. Hanc constitutionem preteriti capituli, solus ebdomadarius capa serica tam in choro quam in processione utatur, ponatur in fine capituli de officio ecclesie.

Hee sunt admoniciones.

Fratres qui potestatem habent ab episcopis, indulgencias in suis sermonibus faciendis, in eodem die, et in eodem loco non dent nisi semel indulgenciam, si tamen duo predicaverint; non det indulgenciam nisi unus.

Item. Priores in domibus nostris ubique confessores beginnerum instituunt, certos maturos et paucos.

Item. Nullus prior provincialis vel conventualis faciat servari pecuniam nisi sub communi custodia fratrum.

Item. Fratres non procurent literas apud principes, prelatos seu magnates, de mutacione sui status, vel aliorum fratrum.

Item. Fratres de una provincia, infra terminos alterius provincie, non faciant questus, nisi de licencia prioris provincialis, vel conventualis infra cuius terminos; questum facere voluerint, nec eciam mittantur ad faciendum moram, in predicacione in terminis alterius, nisi de consimili licencia.

Item. Fratres non studeant in libris philosophicis, nisi secundum quod scriptum est in constitutionibus, nec eciam scripta curiosa faciant¹.

¹ En textus constitutionum antiquarum (de studentibus cap. XIV.) [ed. DENIFLE in Archiv für Litteratur und Kirchengeschichte des Mittelalters V, 562]. In libris gentilium et phylosophorum non studeant, etsi ad horam inspiciant. Seculares scientias non addiscant, nec artes

Item. Cum fratres intersunt testamentis. caveant ne impediunt elemosinam fieri templariis. qui devoti amici sunt ordinis. vel aliis bonis viris. Item. Garciones in domibus nostris non lavent pedes fratrum. Item. Fratres non mittant litteras eciam non sigillatas. nec recipiant sine licencia. Item. Omnes generales licencias cuicumque datas; revocamus.

Item. Concedimus omnibus prioribus provincialibus quod fratres de suis provinciis. ubicumque. sint possint revocare si voluerint. nisi per magistrum. vel capitulum generale; aliis provinciis fuerint assignati. Excipimus provincias Grece et Terre sancte.

Inhibemus districte fratribus universis. quibus commissa est votorum redemptio. ne ipsi vel conventus ubi sunt; pecuniam recipiant. ab illis quibus huiusmodi redempciones debent assignari. Qui autem receperunt. quantum. vel per quem modum receperunt. quam cicius poterunt suo provinciali teneantur intimare.

Item. Errores condempnatos per magistros Parisienses. fratres omnes abradant de caternis². Item. Fiat festum · ix · lectionum de · xi · milium virginum. Similiter et de sancta Helisabeth.

Pro statu universalis ecclesie. quilibet sacerdos · iii · missas de spiritu sancto. clericus psalterium. conversi · d · pater noster dicant. etc.

quas liberales vocant, nisi aliquando circa aliquos magister ordinis vel capitulum generale voluerit aliter dispensare, sed tantum libros theologicos tam iuvenes quam alii legant. – Ad quae dubium non est quin referri debeat MOPH 1 p. 208 sq. §§ I-V.

² De his erroribus condempnatis a Guillelmo Parisiensi episcopo et Odone cancellario de consilio omnium magistrorum theologicæ facultatis Parisiensis cf. DENIFLE Cartularium Universitatis Parisiensis Parisiis 1889 I.p. 170. n. 128.